

香亭文稿

香亭文稿卷六

蓼園吳玉綸香亭

戰淝水論

古大臣不輕忽以圖功在誠敬以集業至於國家多難
事關社稷安危不徒鎮之以靜而必善慮所動晉孝武
僻處江南正朔相承將相得人上下安和癸未秦苻堅
舉兵入寇若權翼若苻融若石越等諫不聽雖婦人女
子皆知晉不可伐然則秦不能取勝于晉桓沖計之熟
矣豈獨一謝安哉夫臨事必懼用師之要秦率戎卒百

餘萬先聲振搖京畿九鼎一綫以斗大之區當泰山之
勢老臣謀國根本是圖遣精銳入援見却對佐吏發嘆
為同官言之為忠告也為宗社言之為流涕也隱有以
折安之心矣厥後淮浞捷而沖捐世亦會逢其適耳史
臣乃文而致之誣其失言而抱恨以終也書之不可盡
信如是哉或曰八萬之衆若敗三千之兵奚用安却之
未可厚非嗟乎兵不在多寡用命則一以當千事急矣
可奈何所欲忠於國與主者惟此惓惓之心耳與其有
濟而益之若憲其無濟而愈不敢不益之益而濟其心

安益而不濟。雖至國破身殉。上告其心於聖祖神宗。對
皇天后土。而無愧。千古忠臣孝子之用心。類如是也。况
三千鐵甲。義勇爭先。謂不足勤王事而奮敵仇。豈其然
哉。且夫安之却冲師也。命駕遊墅園。棊決賭。姑為閑晦
以鎮張皇。觀其得捷書。折屐齒。洵真情發露也。武侯出
師表曰。先帝知臣謹慎。又曰。成敗利鈍。非所逆睹。以諸
葛智慮。殊絕奚啻十倍。安石猶兢兢乎慎以行師。說者
謂南方已定。甲兵已足。數語稍涉骯髒。遂致街亭一挫。
在公當日忠義激于言表。特欲披陳幼主率三軍北定。

中原耳。然以聖賢戒懼惕厲。深心衡古。大臣功名。勝敗之際。非刻也。見理篤而持論精也。若安石者。雖百喙其奚辭。向使晉宰相有智勇深沉。具文武大略。其人者當此天心。效順福德。在吳用桓氏精銳三千。賈二謝餘勇。乘其外竄。內亂過關。踰鄴。挽大江之水。以洗河洛。烽烟克圖。西京徐匡。故物豈不甚盛。安即力度。不能當亦彊為善。以俟之。何遽借以糧助。以兵舉大仇。不報而更親。暱焉。誰司國柄者。中原曾奏請開拓矣。所張弛固如是乎。朱子曰。苻堅之不善。非晉人之善。蓋淝水一役。定論。

也

蒼蒼莽莽目大如箕在古人中有數文字八萬之衆
一段文氣一洩如注有嫌其太盡覆刪却四十七字
渾如也 鄭炳也先生

有體有用之論為桓江州洗眉刷目即為東山更進
一解真乃識高于頂雄渾處尤似韓昌黎 莊本淳

有筆有識衡古極則論體固在攻辨盡情非熟于擒
縱進退之法論必不快筆必不橫此文得其秘鑰矣
金檜門

識沈則邁遠器小則易盈管仲召陵曹瞞漢中失皆
坐此向使一段可作上下千古總論豈徒為本事跌
進一層至文之如海如潮則有目共見

戈芥舟

玉局集中諸論多翻舊案然如諸葛武侯一論則徒
逞辯才此作精當確鑿醇乎其醇篇末引熱陽一語
定案更有儒者氣象視長公海外文字更進一籌矣
戴東原

大旨以生之有命者俟諸天生之無忝者盡諸人後
幅以養心養性為養生功夫更見得道理一貫文境
亦清醇明脩可把臂古作者之林矣

褚筠心

經術之氣直接匡劉覺嵇生之論不過老莊唾餘耳
受業翁元所

前半快論掇諸子之精華後半確論括諸經之理蘊
受業葉紹椿

文論

文以載道自古言之或曰三代以後文與道離也久矣
學究習氣動曰明道將認門面語為真諦持論必庸然
斯言也賢知之過也不知文先不知道道者理而已矣
有當然有所以然順其理以行之而道猶路也本其行
之理以言之而文乃生焉故道者文之菁華文者道之
權輿裕其理於文之先曰修詞立其誠通其理於文之
中曰情見乎詞詞以達情情以積誠誠以窮理理以明
道如日月麗天江河行地布帛菽粟之於日用飲食六

經○皆○載○道○文○也○後○世○體○製○紛○紛○而○論○說○詞○序○源○於○易○詔○
策○疏○奏○源○於○書○賦○頌○歌○贊○源○於○詩○銘○誄○箴○祝○以○及○紀○傳○
檄○之○屬○源○於○禮○與○春○秋○蓋○以○宗○經○為○貴○準○乎○理○與○情○而○
已○大○抵○周○秦○兩○漢○八○家○散○體○文○多○以○理○勝○騷○選○駢○麗○之○
習○多○以○情○勝○情○勝○者○詞○附○之○而○情○裁○諸○理○弗○傷○於○艷○理○
勝○者○氣○充○之○而○理○衷○諸○道○弗○病○於○雜○是○以○論○文○者○每○慨○
於○由○漢○魏○及○六○朝○三○變○愈○下○與○唐○三○变○愈○上○皆○以○言○有○
物○為○斷○也○夫○物○者○道○而○已○矣○有○是○非○真○偽○之○辨○有○淺○深○
精○粗○之○分○如○濂○溪○西○銘○太○極○圖○說○二○程○氏○遺○書○張○子○正○

蒙與考亭學庸章句論孟集註固宋儒本道為文即賈
茂董醇振響於忠武出師昌黎起衰而柳柳州李翱皇
甫提頡頏其間歐曾繼之皆多羽翼經傳之功深者言
深○精○者○言○精○是○文○以○道○重○也○如○見○之○淺○而○故○深○言○之○見
之○粗○而○故○精○言○之○語○雖○工○妙○義○蘊○無○多○道○之○醞○釀○有○限
文○之○品○題○可○知○矣○他○如○尚○縱○橫○尚○功○利○尚○刑○名○尚○虛○無
或○背○而○馳○或○嚴○而○偽○奚○用○文○為○哉○凡○物○物○而○不○物○於○物
不○以○迹○而○以○神○也○文○尤○神○明○而○變○化○者○乎○然○不○滯○於○迹
以○得○其○神○亦○不○能○離○乎○迹○以○求○其○神○若○以○則○古○稱○先○為

門面語而以厭故喜新為真諦是舍形體而求精神也。古今有好奇之文天下無不庸之道吾不知或所謂得人之得與自得其得所得於文果安在耶。

能於文道交關處徹始徹終反復推勘言之無一義不包舉亦無一字不清醇真愜心貴當之作

沈雲叔

此中疾徐甘苦得之於手而應於心於文以載道之理切實發揮樸屬微至粹然儒者之言足以羽翼經

傳

魏春松

文以載道亦是常談而理勝情勝之說則扼要言之

矣上下千古羅列胸中握筆時洋洋灑灑而出之無
一裝頭蓋面語於此具見真實本領

受業曹振鏞

陶朱公論

陶朱公范蠡易名也。余按越世家所載陶朱公中男被殺。顛末於近人集中得二說焉。或曰朱公初以長男重棄財而不遣。終以妄費財而殺弟。中男之殺。激於不遣而成之。過在朱公也。或曰莊生非賢者。朱公不慎。交以殺子也。二說皆似也。然不足服朱公之心得。此事致敗之由也。夫朱公不遣長男。欲遣少子也。量才而用。期於有濟。乃長男以自殺之言。挾母要其父。既去。果致敗。其為人亦大畧可睹矣。謂激於初之不遣。妄費以殺弟情。

或有之謂順以遣之不別有致敗之虞其誰信乎天下
知子莫若父未有明知其子之不足辦此事必令昧初
心以用其子冀倖於萬有一然之數者由或之論而充
之是先教父以欺其子且教子以違其父也可乎哉況
事之斷不能有濟者乎至以莊生非賢謂擇交不慎即
朱公亦何辭然奉千金救其子猶用宰嚭譖子胥故智
是以利言非如托妻寄子可以交道衡也而吾所議朱
公者即以朱公之言議朱公也朱公不遣長子而欲遣
少子也曰長子重棄財少子能棄財甚矣財宜棄而不

宜○聚○也○朱○公○何○能○知○其○子○而○不○能○自○知○也○方○其○佐○越○治○
吳○勲○業○爛○然○及○浮○海○易○姓○名○再○去○官○以○散○其○貲○庶○幾○蕭○
然○無○與○者○矣○使○守○此○不○變○何○難○底○其○子○孫○乃○未○幾○富○甲○
天○下○長○男○見○小○易○動○於○會○計○之○心○中○子○不○才○亦○慣○於○驕○
盈○之○習○其○殺○人○也○不○啻○朱○公○使○之○其○殺○以○被○殺○也○非○莊○
生○殺○之○而○長○男○殺○之○非○長○男○殺○之○而○朱○公○殺○之○吾○非○惜○
朱○公○不○堅○初○念○以○救○其○子○獨○惜○始○於○知○止○終○於○不○知○足○
者○不○為○少○子○之○棄○財○而○類○長○男○之○重○棄○財○也○夫○富○之○以○
涯○其○富○已○足○猶○大○名○之○下○不○可○久○居○高○位○不○忘○儒○素○淡○

於中者安象也。隱退猶希豐厚。濃於外者危機也。若朱公在陶。不過優游暮景。借候時轉物之法。以消磨雄心。者自遂其去危就安之計。然而天道惡盈。物情戒滿。機動於此。而事應於彼。其中男固已危矣。觀莊生告楚王。挾金行賄之言。是以朱公之富殺其子也。迨長男持喪。以歸人哀。而朱公咲強自排解之情。已可想見。以視泛扁舟歸相印。中情安危為何如也。故論者每以范蠡三徙成名為天下艷稱。而吾究惜其以陶朱公終也。彼二說者。曷弗念及此哉。

前兩說就事論事自非探原之見統范大夫始終本末以斷之歸到戒滿惡盈為不保晚節者痛下鍼砭深識名言可以論古可以覺世

褚筠心

醞釀於皇極五行之菁華而化其滓看破天道人事發為崇論閎議人生得此等著作數十篇可與經傳同功

陳望之

謹嚴似韓非子浩瀚如淮南王魚讀西施說見吾師論古之精用心之恕

受業翁元圻

少伯五湖之游以避禍也其心事本與留侯不同孰

知貴足以禍身富亦足以禍子探原定論洵有功世
道之文

受業趙士霖

原藝

太史公滑稽列傳以詩書禮樂易象春秋六經為六藝
夫經以載道非可以藝言也周官保氏所用以教國子
者其古六藝之定名與夫人性情不能無所發舒也官
骸四體不能無所運動也事事物物之紛紜蕃變不能
無所以理之也先王慮之深矣於是教之以吉凶軍賓
嘉之五禮教之以雲門大章咸池大韶大濩大武之六
樂教之以白矢叅連剡注井儀襄尺之五射教之以鳴
和鸞逐水曲過君表舞交衢逐禽左之五御教之以象

形會意諧聲指事轉注假借之六書教之以方田粟米
差分少廣商功均輸盈不足方程勾股之九數但使循
循於制度聲容之節磬控縱送之法名物象數之辨馴
而致之以達陰陽之氣以象天地四方之宜以遵蕩平
正直之軌以治百官察萬民紀天下之至蹟而不可亂
而大順之理昭然矣道形而上者也器形而下者也藝
非道不貫道非藝無所麗藝者所以適於道之路也道
之精微者如室高明者如堂而藝則如入道之門蓋自
六年學象數十年學書計十三學樂學射御二十學禮

以○至○優○游○於○據○德○依○仁○藝○也○而○進○乎○道○是○故○禮○用○貴○和○
通○於○樂○也○循○聲○而○發○通○於○射○也○馳○之○不○失○矢○之○如○破○通○
於○御○也○同○軌○同○文○大○一○統○之○義○通○於○書○也○物○生○有○象○象○
而○後○有○滋○通○於○數○也○至○於○函○三○為○一○可○以○推○十○二○律○還○
相○為○宮○之○義○五○音○之○變○八○風○之○節○可○以○識○形○聲○相○益○之○
理○而○天○下○之○勇○敢○强○有○力○者○無○事○則○用○之○於○行○禮○有○事○
則○用○之○於○戰○勝○是○數○通○樂○樂○通○書○禮○又○通○於○射○御○也○六○
藝○之○中○叅○之○伍○之○六○藝○之○外○觸○類○而○長○之○皆○有○道○之○不○
變○者○觀○其○會○通○也○自○叔○孫○通○定○綿○蕞○之○禮○洎○乎○開○元○皇○

祐代滋聚訟而禮變矣自竇公之後樂經不傳如萬寶
常李照蔡元定所論與古亦不能盡合而樂變矣自文
武之途分而射變矣自車騎之用殊而御變矣自篆隸
行草趨於簡易而許慎蔡邕顧野王張參諸書尚有不
盡畫一者而書又變矣自九章沒於秦火而籌算筆算
立表測景諸法為西洋言幾何之學者所素習而數又
變矣蓋司邁豆秉籥翟挽六鈞策駟馬供胥鈔捺計會
者既習其器不求其理學士大夫又言其理不親其器
究之器漸失真理亦空談且附會焉而乖乎其實此考

古○之○難○而○百○家○衆○技○日○以○雜○且○陋○也○六○藝○之○傳○何○所○折○
衷○與○雖○然○古○之○聖○人○緣○道○制○藝○不○能○於○時○之○未○至○者○豫○
儲○以○待○其○變○後○之○君○子○因○藝○見○道○不○敢○於○時○之○既○至○者○
生○今○而○反○古○朝○而○饗○異○於○夕○而○殮○而○飲○食○之○理○同○夏○之○
葛○異○於○冬○之○裘○而○衣○服○之○理○同○因○革○損○益○見○於○制○器○尚○
象○者○不○同○而○利○用○安○身○之○理○無○不○同○記○曰○時○為○大○易○曰○
隨○時○之○義○大○矣○哉○今○之○藝○猶○古○之○藝○也○矩○之○不○踰○道○之○
不○遠○也○而○當○務○之○急○尤○有○不○可○斯○須○去○者○故○六○經○並○列○
禮○樂○云○

理足義該慮周法密自是韓曾二家得意文字

家白華

據周官以正史記之譌推原今古源流變遷之故尤為賅洽深淳大儒之文以朱子為極則此直與之方駕矣

小門生錢塘

寓俳比於散體之中句法處處對仗又極參差變動之奇朱子文集中多如此體格

受業孝顯

北斗魁類考

問星何以魁曰魁帥也帥乎衆星北斗魁也北斗七星在紫微垣外太微垣北七政樞機陰陽元本也斗第一星曰天樞二曰璇三曰璣四曰權五曰衡六曰開陽七曰瑤光一至四為魁又曰璇璣五至七為杓又曰玉衡語曰斗為帝車運乎中央臨制四方即北斗七星也其前四星即北斗魁上接文昌宮者也問斗魁何以麗乎北曰有南斗魁也南斗六星南首二星曰魁天梁也中央二星天相也北首二星天府也位居艮丑之次星越

揚州之分凡二十五度夏秋見南方故謂南斗漱清考
斗宿居北出見於南北屬陰南屬陽北居子南居午而
陽生於陰午生於子猶針指午南而應子北故斗見於
南屬於北陰中有陽陽中有陰蓋即行次而推原其理
通論也詩云維北有斗指南斗言以在箕星北也主酌
量政事稟受爵祿為天庫主兵此北方七宿之南斗魁
別於北斗魁者也問北斗魁即北極否曰按象緯書載
北極五星在紫微垣中一名天極一名北辰北第五星
名天樞蓋極星在紫微垣萬星所宗七曜三垣二十八

宿所環拱為天文正中又曰紫微大帝之座非北斗魁也。問魁上接文昌梓潼帝君之名何始曰晉書天文志文昌星在北斗前天六府也主集計天道一曰上將大將軍建威武二曰次將尚書正左右三曰貴相太常理文緒四曰司祿司中司隸賞功進五曰司命司怪太史主滅咎六曰司寇大理佐理寶與史記天官書所載文昌宮一上將二次將三貴相四司命五司中六司祿之說互異此固天文家各有師承亦小異而大同也按圖志英顯王廟在劍州即梓潼神姓張諱亞子其先越雋

人因報母讐役居劍州七曲山仕晉戰沒為立廟唐元
宗西狩追封左丞僖宗封濟順王宋咸平中改封英顯
道家謂上帝命梓潼神掌文昌府事及人間祿籍故元
加號為輔元開化文昌司祿宏仁帝君天下學校多立
祠以祀人間忠孝天上英靈語雖傳會聖或有之前明
倪文毅公岳正祀典一疏言文昌宮亦合拆毀未為允
當至文昌化書云上古張星之精降為人姓張名善勲
在周降為張仲字亞子歷世化身皆為指其姓氏乃元
明間得諸乩訣重以儒士蔓衍之說無可稽也問俗或

書魁閣為奎星閣孝經援神契云奎主文昌安知不為
奎曰非也奎十六星西方宿主以兵禁暴主溝瀆天武
庫也至圖書之府主文章乃壁星也在天門東曰天街
曰天池曰天梁故曰東壁文章府宋五星聚奎乃在奎
壁間故以為文明之兆黃鼎管窺輯要言奎無與於文
事與奎主文昌之說稍異然奎即司文非魁星也書奎
章閣奎文閣義或有取若以奎代魁字書奎星閣以西
方宿而屬之北斗則謬也問魁有形與曰鬼神無形人
形其形說有可通儒者弗禁何獨於魁乎疑也問圖魁

星何以跂曰莊子云人見其跂猶之魁然故也問足何以跂曰蓬頭故跂足以類也問頭何以蓬曰後漢東夷傳云魁頭註云猶科頭也謂以髮繫繞成科結也問何以望斗曰依字之象形鬼合斗為魁也問何以立鰲頭而執筆曰玉篇云傳曰有神靈之鰲背負蓬萊山在海中李白詩云巨鰲莫戴三山去吾欲蓬萊頂上行李翰及第詩云批詔立鰲頭後人由學士登瀛洲附會蓬萊之說由蓬萊附會鰲頭之說故狀元有立鰲頭故事魁星則立鰲頭執筆也問狀元何以言大魁曰北斗以前

四星為魁狀元居魁之首故曰大魁也問何以握金曰
一至四星皆為魁其三名視金也問上何以畫七星或
六星曰七星北斗也六星戴匡文昌也鬼神無形人形
其形此類是也余故上稽列星博採羣書叅以附會無
乖大雅者因問北斗魁而類次之為或人告

理取其通明辨以晰局勢則路轉峰回若連若斷得

遷固之妙者

汪漳川

根据該洽指歸允當文境亦如列星經緯有懸象昭

然之勢

褚筠心

考據詳明辨論深穩 讀戰國策最愛其篇法或明
立柱或暗立柱或順立柱或倒立柱或立一意前呼
後應以成篇或撰數語叠叠呼應故為重複以成篇
或通篇不立一柱不生一意只零零碎碎寫去前後
絕不照管一語以自成篇者隨題變化各臻妙境吾
師此文是零零碎碎寫去一種筆法覺典墳邱索古
製猶在目前也 度人經東斗主算西斗記名北斗
落死南斗上生中斗大魁總監衆靈按此不獨東西
南北有斗并中央亦有斗但不知其星象若何又春

秋運斗樞斗有七星而元門寶海經云北斗有九星
七見二隱其第八第九是帝皇大尊精神又徐整長
厯北斗七星星間相去九千里皆在日月下其二陰
星不見者相去八千里據此二說則北斗實有九星
但七星人所共見所說二陰星究綴何處未曾道出
則天官家言亦恐不足資考證耳因讀此文附識簡
末

受業陳池鳳

春王正月辨

黃帝有熊氏作調歷以建寅春正月為歲首遞傳至夏
先后遵循罔越商建丑周建子改月改時大義了然後
儒聚訟紛紛其最難通者如胡氏春秋註夏時冠周月
之說夫辨胡氏者言人人殊而言周用夏正其謬與胡
氏等何以斷胡氏之謬也余以春秋斷之經所書正月
即周建子之正月也所書春正月即建子正月而名春
也繫以王大一統也不曰王春正月而加春於王者蓋
正月者王事之始聖人以王法正天下也故月系以王

春者天道之始聖人以天道統王道也故王冠以春如
謂我夫子告顏淵以行夏時特改周歷於筆削中夫生
今反古稍知繩墨者不為而謂聖人作春秋明大權反
啟天下後世以僭亂之端乎何以言周用夏正者其謬
與胡氏等也余亦以春秋斷之按春秋桓公八年冬十
月雨雪周正十月建酉雨雪非時若夏則建亥矣雨雪
何足異莊公七年秋大水無麥苗如周用夏正麥苗何
得至秋僖公五年左氏傳曰春王正月辛亥朔日南至
日南至者子月也一部春秋中先輩摘此類甚衆皆改

月改時的據也。且以他書考之。孟子曰。歲十一月徒杠。成十二月輿梁。成乃夏九月十月也。清風戒寒。以次謀其利濟。若周用夏正。則病涉亦已久矣。成之勿乃太晚。夫夏正行於民間者久矣。文人學士居今述古。從舊俗稱之。故周詩或雜用夏正。至夏正之見於豳風者。特追述其當年為諸侯時農事開國耳。若書之周書禮周官所載。公穀所述。皆非夏正矣。小戴記孟獻子之言曰。正月日至。可以有事於上帝。七月日至。可以有事於祖。此言冬至在周之春正月。夏至在周之秋七月。明堂位所言。

孟春即建子月。所言季夏六月即建巳月。參之後漢書。陳寵傳。所云天正建子。周以爲春。若合符節。此改月。改時之說。孔安國鄭康成諸儒。所由彰明表著於前。不得以陽明輩述之。而轉斥其非也。或曰陽明之言曰。冬可。以爲春也。陽生子而春始。陰生午而秋始。文王所演元。公所繫其說。何如周天子敬授人時。義取于根株萬物。較月次建亥。以六陰爲歲首者。誠相逕庭。究竟時以興。民事利民用也。冬不可爲春。猶昏不可爲旦。寒不可爲暑也。故當年春夏秋冬之序。則循周正分至啟閉之候。

則○仍○夏○時○此○其○中○原○具○參○酌○調○燮○之○妙○不○然○夫○子○論○為○
邦○何○以○獨○有○取○爾○哉○總○之○周○之○改○月○改○時○確○然○無○疑○周○
之○建○子○不○如○建○寅○盡○美○盡○善○漢○唐○諸○儒○去○古○未○遠○毫○無○
疑○義○至○宋○而○後○則○程○伊○川○程子曰周正月非春也假天
夏時冠周月之說其意以春夏秋冬天時有一定百主
所同萬世共曉周雖以建子為正其子丑之月周仍謂
之冬不謂之春然歲首自冬始於辭不順故夫子以天
時一定百王所同者移而冠於周月之上此程子及胡
氏之說若程子知商周改月且改時必不
創是說矣蔡氏并謂商周不改月尤非
胡康侯劉文
成等或言改月不改時矣蔡仲默魏華父章本清等或
言不改時兼不改月矣要皆主周用夏正者非也若知

不用夏正而推昭代之太過幾冬春之莫辨此又倡自
王○文○恪○暢○其○說○于○陽○明○不○惟○無○益○於○文○武○周○公○數○聖○人○
轉○授○異○已○者○以○柄○而○助○之○攻○也○亦○非○也○又○商○書○惟○元○祀○
十○有○二○月○乙○丑○孔○氏○言○湯○崩○踰○月○太○甲○即○位○十○二○月○者○
湯○崩○之○年○建○子○之○月○也○豈○改○正○朔○而○不○改○月○朔○蔡○註○云○
元○祀○者○太○甲○即○位○之○元○年○十○二○月○者○商○以○建○丑○為○正○故○
以○十○二○月○為○正○也○三○代○正○朔○不○同○皆○以○寅○月○起○數○二○說○
所○見○互○異○余○以○周○之○改○月○改○時○例○之○於○商○於○蔡○說○有○所○
未○安○按○漢○書○三○統○歷○以○太○甲○元○年○十○二○月○乙○丑○朔○為○冬○

至是商之十二月乃夏之十一月未嘗不改月也即如
朱子言周之七八月乃夏五六月蓋本趙岐註也商果
不改月朱子何不云夏商之五六月乎又先儒以秦始
建國書冬十月證秦不改時然漢書高帝紀春正月顏
氏註云凡月皆太初正歷後追改當時以十月為歲首
即謂十月為正月又古詩十九首曰玉衡指孟冬衆星
何歷歷夫湛露鳴蟬在夏乃建申之七月也而以孟冬
名之則知其歲首建亥而以春名之矣秦漢且以亥為
春則商以丑名春而周以子名春也夫復何疑余因論

春秋斷以周之改月改時上邈成湯下及秦漢皆決其非用夏正也為述諸儒成說而參以鄙意待後之有志鏡古者

折衷諸說歸於至當有功麟經之文可以傳世鄭炳生也

周用子建改月改時春秋左傳孟子戴記所載無不皆然據此以折衷宋儒不改時月之非曲折推勘如氷解的破余舊亦曾為此辨大旨略同而精詳遠遜矣褚筭心

有意為善雖善亦惡辨示汪漳川

或有論歷代死節諸臣援有意為善雖善亦惡之說為斷者噫嘻之說也乃君子律已之學未可持以衡人也倫莫重於君父義莫大於死生時莫艱於亂離於此而視死如歸安而死之可也勉而死之可也不為名而死之可也為名而死之無不可也名之為說天澤定分曰名義常變不渝曰名節所關甚鉅原無可議試問文文山謝疊山諸公可謂從容就義於顛沛流離者矣方學士鐵尚書景御史可謂烈矣假使其延頸授首時計及

於後日。俎豆馨香。反惡其名而逃之乎。抑不知有名節。名義之開。貿然效匹婦之經於溝瀆者乎。士大夫授一卷書。未有不談節義者。然而疾風勁草。板蕩忠臣。恒不似營營苟苟。掣掣洩洩。汎汎悠悠者。什伯而千萬也。無他。身命之念重。死生之際未易言也。天下有艷其名而勉強為之者。孟子曰。好名之人。能讓千乘之國。是也。若以死求名。吾則斷其必不能死。明季如胡廣。錢謙益。項煜。輩軼事真堪一嗤。然則仁人殺身成仁。志士不求生。害仁未嘗不重愛其身。而不忍不死。以安其心。未嘗不。

知死後成名而究非為名而死吾儒立論貴持其遠者
大者使自大賢以上而至於庸夫俗子皆可步趨於
綱常倫紀中俾知人生當萬不得已時一死可以謝君
父此即天理所以常存人心所以不敝而尚論之得其
平也如或之言而充其類苛矣又進王莽之金滕與王
彥章人死留名一語而同其疵議謬矣歐陽公之贊畫
像也呼王鐵槍而嘉其出於至性者然然則太師殆深
知節義之閑欲留此本來面目見先君於地下耳而竟
謂專希名譽用相詬病也何以解夫疾沒世而名不稱

之○君○子○且○余○反○覆○此○說○未○可○衡○人○即○以○之○律○已○亦○非○醇○
儒○之○論○善○惡○判○然○兩○途○根○苗○起○於○片○念○大○學○一○書○最○重○
誠○意○關○意○若○未○起○善○於○何○名○為○善○無○意○誰○實○為○之○忠○於○
君○孝○於○親○友○於○兄○弟○總○由○意○起○意○有○不○誠○即○為○私○意○二○
程○子○遺○書○云○只○著○私○意○便○缺○浩○然○之○氣○蓋○言○人○不○可○有○
私○意○非○言○為○善○不○可○有○意○也○首○陽○求○仁○得○仁○有○意○乎○無○
意○乎○於○陵○辟○兄○離○母○意○累○之○乎○私○意○累○之○乎○創○此○說○者○
規○摹○古○人○有○為○無○為○之○說○似○亦○鞭○辟○近○裏○不○知○一○字○之○
誤○幾○陷○于○禪○家○之○清○淨○寂○滅○適○足○以○拋○荒○吾○儒○入○門○工○

夫烏得不遞辯之。

儒以文亂法其言似精而實譌破之使無剩義窮刻
論挽入平恕有裨于道之文

戴東原

唐太宗之縱囚鄴人之剔股奉母疾一則變先王之
法一則傷支體之全如或之言評此等事則可若以
論死節諸臣無乃類於小人之好議論作者胸羅全
史斷以聖賢精義正襟讀之覺有一種陽剛之氣洋
溢行間蓋有道之言也

周聲山

層層披剝道理愈見平實入後以大學誠意為旨歸

俗說之岐自然冰解行文亦灝瀚似眉山

褚筠心

前人持論過刻者由見理不真待人不恕耳得此辨以正之千古仁人孝子定應感泣泉壤文之可以格神人者惟此種乎

王蓮峯

香亭文稿卷七

學書說

夢園

香亭文稿卷七

業精於勤荒於嬉學書亦然連日治西裝奴劇筆荒於
心抽暇於燈前作字百餘腕力向無瘦硬意何堪重以
生疎分陰可惜胡溷斷於事事所事非嬉也究非精心
以居業也書吾所大劣猶有懼心焉其他荒于業者更
無從而覺之夫覺之機易所謂七日来復也何以保諸
董子云彊勉學問

刻意鞭辟所謂常惺惺法也別來十八回圓月而勇
猛如此知足下進於道矣

鄭炳也先生

學山至山學海至海惟不懈故也敬則不懈矣即此
是學可與明道先生語叅看筆筆轉筆筆折極沉着

極渾脫

陳未齋

香亭文多雄拔類韓此篇峭削則似柳州

曹習菴

續師說

朱子之讀唐志也。謂韓退之原道。能言其大體。余嘗反覆於其說。而益嘆退之因文以見道也。退之嘉李蟠來學。作師說曰。師所以傳道受業解惑。夫惑之解。所以精於業也。業之受。所以致於道也。道何由傳。傳以師也。然則師之說。可得而詳言之。古者自天子以至於庶人。育天子之元子。衆子。以及諸侯公卿大夫元士之適子。庶民之俊秀。莫不學。即莫不有師。而師之教人。以道也。自小學以至大學。莫不有法。其教必起於君臣父子夫婦。

兄弟朋友其誦讀必本於詩書禮樂易象春秋精其誥
誠於日用平常之理參其攷證於古今治亂興亡之迹
其所以誘掖獎勸激厲而裁成之者克之以剛柔循之
以次第需之以歲月而總以使之自完其身心性命至
於化成天下自鄉人而可馴致於聖人之道嗚呼何師
教之隆也若夫學校既衰師道不立創虛無寂滅之教
而人奉之開權謀術數之門而人又奉之兼之誇記誦
競詞章百家衆技之流率斯人心思材力步趨於無用
之地者何可勝數嗚呼師道之壞也極矣誰其明先王

之道以道之者乎。蓋自孔孟而後漢儒以經學相傳授。其說各有專門而經不墜。宋儒以理學為淵源未免間有異同而經以明皆有裨於道即無愧於師者也。唐之能見道者獨退之其學足以上接漢儒下待宋儒抗顏為當時師者亦莫如退之而余讀其師說於尊師重道之實功修己治人。之大法未嘗深切而著明焉。是以竊取朱子之意遙稽古訓博及羣儒於其說之所未詳者而續之後之君子取其師說而叅觀之可也。即取原道一篇而叅觀之亦可也。

探源知本廣大精微非特宋人之文兼有漢之矩矱
程魚門

所言皆擷宋儒之精可作一篇學記讀

韋約軒

鑿鑿說出如數家珍此周情孔思之真韓子尚有未
能見到處若鈍翁師說數篇只是說得一邊無論他
手矣

家白華

所言皆孔孟家法必如此始可抗顏為人師是廬陵
本論南豐宜黃縣學記一種文字

小門生錢塘

續師說二

語曰天地之性人為貴明於天性知自貴於物又曰尊嚴而憚可以為師故君子之居學也宜擇師宜敬師師之自待也宜重宜教弟子以自重古人患師少今人患師多古人終身而奉一師今人一歲而易數師交臂得之母乃雜甚夫師之教弟子者猶泥之在鈞惟甄者所為金之在鎔惟冶者所鑄有所以為師者在耳語曰經師易得人師難求聖人百世師萬世師邈矣不有鄉國善士之等差乎取法乎上僅得乎中故曰師宜擇大學

之禮雖詔於天子無北面所以尊師也近日士大夫見
高官貴客備徵儼肅而設塾授餐類從簡畧反不如鄉
曲之夫猶知優禮其師嗚呼吾弟欲收教學之益父兄
先無忠敬之心是南轅而北轍猶齊語而楚咻也酒醴
不設穆生且去况師道乎故曰師宜敬師者人之模範
也模不模範不範非所以為人師也董江都進退容止
非禮不行令後學有所統壹常與設教京師諸弟子奉
若嚴君之二子者皆有師範者也夫朝夕請業原不必
束縛其手足而煩苦之也而光風霽月豈無整齊嚴肅

氣。象。况。教。不。嚴。則。道。不。尊。保。無。有。燕。僻。廢。其。學。燕。朋。逆。
其。師。者。乎。此。自。重。之。說。也。夫。工。揣摩。掇。科。名。時。師。之。講。
貫。也。能。工。揣摩。能。掇。科。名。今。之。佳。子。弟。奉。其。先。生。之。教。
者。也。獨。不。思。揣摩。不。足。言。文。何。足。言。道。科。名。為。進。身。之。
階。何。以。為。不。負。科。名。之。人。若。不。求。其。所。以。然。而。但。相。率。
於。因。循。苟。且。之。習。重。自。菲。薄。弊。將。安。極。未。必。非。教。者。之。
過。也。他。若。始。以。援。引。漸。成。門。戶。拜。爵。公。朝。感。恩。私。室。此。
更。廉。耻。道。喪。君。子。所。弗。齒。惟。夫。溯。淵。源。之。有。自。得。冰。水。
之。相。成。民。生。於。三。事。之。如。一。天。下。未。有。忠。於。君。孝。於。親。

而○或○負○師○門○者○是○在○善○教○者○為○之○辨○其○公○私○審○其○輕○重○預○有○以○端○其○本○而○已○矣○

班氏朱博薛宣諸傳段落法也宋人集中惟南豐有之翁覃溪

胸有把握所以次第畢清此種題朱子之前自當尋蹤於南豐然歐公尤平正通達此文在歐曾間矣錢坤

一
文之根柢在讀書文之意度在養氣不到此境者不知也八面圓到則由用筆獨工可稱粹然完璧家白

前說遵古此說宜今名言至論如箴如銘

受業劉元吉

友說

十月二日同人集程魚門太史寓齋曰盍為友說或曰
前已續師說矣師之義通乎友師之說足以該乎友吳
子曰子之言是矣而有所未盡凡人智能以鏡人不能
自鏡其年高德邵者師之其次者友之皆取以自鏡也
古君子既有保傅以董諭教之權必有志同方道同術
者以為學問之助友列五倫誠重之也其義原統乎師
然而師與友究有辨今人見其師敬之見其友亦敬之
較之敬其師也必有間矣聞其師之言奉之聞其友之

言亦奉之較之奉其師也或倍切焉無他師之道近乎君父尊而不親友之道近乎昆弟夫婦親而不尊淒淒者風雨之會也喑喑者雞鳴之音也優而游之使自得之有能助師教之所不及者夫友統乎師又助乎師者如此苟以市交非友也以貌交非友也以意氣交非友也否則空談性命無勸善規過之實高而不切也抑或拒人太峻責人也重以周不能磨礱攻錯以底於有成猶刻而無當也然則居今日而言友蓋必有道天之生人不齊人所交亦不齊中行之士尚矣下之則有南北

風○會○之○殊○而○剛○柔○分○焉○剛○者○厚○重○質○實○緩○急○可○恃○若○毗○
於○剛○則○見○理○不○精○而○氣○暴○矣○柔○者○巽○順○文○明○相○觀○而○善○
若○毗○於○柔○則○信○道○不○篤○而○氣○餒○矣○故○剛○以○克○剛○柔○以○克○
柔○操○轉○移○風○氣○之○權○者○帝○王○也○而○柔○以○克○剛○剛○以○克○柔○
重○變○化○氣○質○之○功○者○士○大○夫○也○竊○願○與○諸○同○人○損○有○餘○
補○不○足○會○以○文○章○進○以○禮○樂○相○陶○以○情○性○相○淑○以○身○心○
無○非○順○陰○陽○之○理○以○相○濟○於○剛○柔○之○宜○馴○而○致○之○彬○彬○
乎○皆○中○行○選○也○謂○友○善○於○天○下○也○可○即○謂○能○自○得○師○也○
亦○無○不○可○

平和處似永叔簡括處似子固涵養而出之乃能疊

疊如是 朱竹君

中庸五達道於朋友下獨綴一交字原包有無窮義

理篇中正面反面層層推勘步步切實持友教之弊

即以補師教之偏為功斯道不淺 諸筠心

以精心抒妙理不論何等題總有一番切實透闢之

論絲繡平原金鑄范蠡誰曰不宜 受業秦承業

蟬說二則東楊古愚

亭樹蕭蕭風生暑退聽蟬曳林梢斷續過牆而去胸有
鬱結豁然盡釋白香山詩微月初三夜新蟬第一聲最
好吟之去年寄跡厯下得句云蕭蕭幾樹雨啾啾數聲
蟬又云仙蟲依舊林中噪驚起秋風欲報寒蓋蟬者禪
也心與達人為伍余愛其德抑竊有所托焉入闕以來
夏云盡矣散髮赤足徘徊于綠槐高柳間寂無所聞悶
甚寫數行奉君一粲亦見吳楚秦晉風景各殊非獨古
人有恨而已時乙亥季夏二十四日也

蟬微物也。余素愛厥德。為其應節不鳴。昨奉書及之。今
午坐虛舟。桐列高枝。蟋蟀爰集。噫嘻。來何暮也。陶淵明
愛菊有白衣者。送酒東籬。周寶同殷七七遊鶴林寺。九
月杜鵑盛開。情有所鍾。事逢其適。夫禽鳥得氣之先。羽
化仙都。飛蟲類也。西秦地漸高。節候周天。較遲翩翩振
翼。我客驚晚。固係風土。哉寄懷一日。適惠好音。初則疎
引。徐發。若久別之訴。離愁也。繼又清越。以長如鶴鳴。鶯
遷類從聲應也者。况交同金石。唱和有時。遲速寧足校
乎。孔子刪唐棣一詩。斷其來思。天下事思誠而已。彼蟬

其微焉者也。

其忽遠也。舟至蓬萊風引之而去。其忽近也。電光一

瞬千里。此由神悟不可梯引。

周季和先生

瑣事悟出。至理坡公徃徃有之。其臭味亦復相近。

陳

淵

感以精心。故隨觸引端。寄託靜以深。

受業葉紹樵

鹿說

豺狼虎豹之屬秉戾氣以傷人者先王驅而除之
不能盡殺也獐狝麋兔之屬備百物以養人者君
子取而用之不欲過殺也若備用物而有傷人之
勢是以非暴習暴也其除之也亦宜鄂署得鹿子
一馴人飲食歡曳其心客曰此良獸也宜其美仁
壽匹福祿而咏歌於風雅也予咲而頷之居無何
融其毛矣張其骨矣枝角挺出英英欲上嘻殆劣
者機也引繩幽於鵠山西室客過而釋其繫余曰

子何愛是鹿也。維秋之紀，萬物殷隆，性各放其所。

天

天子於是有哨鹿之典。口外風高山，狂谷很帳，前月皎沙湧，草深以宮應。宮以角動，角呦呦和鳴。麋麋狎至，方歡情以求友。忽驚心於失羣，挺而走險。音何能擇，然而萬馬合圍，網開三面。

聖文神武，仁至義盡。叅祭獸於月令，準大閱於春秋。以盡物性，今古同諸。子何於幽鹿乎？縱之恐非所以愛是鹿也。夫鹿純陽也，利以金氣，據巉巖突墻垣。

市○駭○奔○鹿○得○勿○有○觸○之○而○顛○者○乎○於○是○命○園○丁○具
弓○矢○一○匝○鹿○奔○再○聞○鹿○奮○三○中○而○鹿○不○支○以○割○以
烹○熙○熙○醕○醕○匪○以○利○用○而○以○除○害○也○夫○鹿○之○跂○跂
較○羝○五○尺○兔○三○窟○與○麋○驚○且○怯○者○其○行○稍○捷○角○稍
利○焉○何○能○如○虎○之○眈○眈○豹○之○豸○豸○豺○不○才○狼○不○良
之○為○害○烈○也○乃○以○非○虎○非○豹○非○豺○狼○者○日○近○於○虎
豹○豺○狼○之○形○潛○失○其○獐○羝○鹿○兔○之○性○未○必○不○易○仁
壽○以○耽○耽○易○福○祿○以○豸○豸○易○歌○咏○風○雅○者○入○於○不
才○不○良○之○列○也○而○人○遂○不○得○不○以○待○豺○狼○虎○豹○者

預○防○之○甚○矣○習○於○暴○與○自○暴○者○皆○危○機○也○為○之○放○
懷○憑○弔○如○古○史○冊○所○載○逐○中○原○而○泣○下○楚○江○得○失○
同○於○蕉○夢○固○慨○致○敗○有○由○即○士○君○子○履○中○蹈○和○燕○
與○賓○興○其○始○倏○伏○上○施○其○後○漸○陟○要○路○勢○足○逼○人○
者○尚○凜○奮○角○之○戒○善○所○習○於○居○遊○而○勿○忘○鹿○洞○遺○
訓○也○哉○

小雅鹿鳴取其得食相呼之仁瑞應圖以為純
善之獸王者孝則白鹿見然賦性驚烈犄角鋌
險雖馴不免此作借鹿示儆懼以君子而為小

人之歸也中權以仁義兼盡立言能見其大入
後引伸垂戒深文隱蔚餘味曲包喚醒塵中不
少弋山二兄

節奏嚴緊以奇變觀之乃外驚其貌者也

蔣漁村

陸離光怪奧突幽折筆意絕似吃公子而警世
名言繹絡毫端託物起興味在酸鹹之外

劉青垣

貴核其真堂額說

先大夫之撫閩也攝學政蒙校士有文兼行貴核其真之句蓋寓愛惜于甄拔中得真才所以培士氣也癸卯秋

玉綸

疊承

恩命浙闈試竣視學于茲恐重負昔年趨庭之訓爰敬揭詩義以自勵竊思核真之道在于能明公以生之勤以濟之學使之責其庶幾乎

玉綸

雖不敏敢

不勉旃乾隆甲辰仲春謹題并識

承先訓答

主知酬物望言簡義賅忝之太

史以著其潔

蔡葛山先生

包一切掃一切有德之言如是如是

曹竹虛

老幹不枝兀然龍門之桐

阮吾三

分明是語言文字幾若不用語言文字矣此拈
花微笑時也

受業曹振鏞

閩省試院堂額說

提督學政一官沿宋元提舉暨明提學制迨改道以院
翰林充之以部郎用者兼院銜若三品以上所謂大行
臺也癸卯秋余以副都御史典浙試竣督學閩中曾於
初試福州顏署堂額以貴核其真而說之矣嗣按臨
各棚咸有題額及延平曰風宗鄒魯次及建寧曰芬櫨
西山延建為閩上游龜山道南倡於前紫陽集其成文
忠繼之彬彬乎鄒魯鄉也以風爾風以芬爾芬所望於
近潭陽南浦之居者又次及邵帶杉關而襟梅口古用

武地也。勗之曰。撥文教。邈九咏于東堂。不獨李忠定堪師也。汀俗好勇。猶邵也。占之曰。秀鍾丁派。水縣於南蔚。科名焉。過三君子讀書之巖。問有如昔之勤苦乎。望氣者。不僅以官重耳。自是而龍巖曰。懸鐘振響。漳州曰。追崇實學。泉州曰。有本者如是。昔朱子守漳。定經界。修教化。念龍巖去州遠。榜諭諄諄。殆以實心實政行實學也。學之大畜者。曰篤實輝光。猶聲起黃鐘。而水來星宿也。凡渡海必於廈門。尚其從流溯源。而得務本之義。且夫實學者。誠也。人得其理。為聖為賢。物得其氣。為奇葩異。

果樂山草木四時不變永春所由名蔡君謨叙荔支譜
興化為最余之蒞茲土也一則曰無忘秋實再則曰人
物清嘉大抵即物觀理莫非敦本崇實之思抑如冠蘭
品於新羅佩素心之德而已迨由興抵福寧取道會城
乃東北隅也三面迤海形勢特峻登白鶴嶺而訪戚繼
光倭倭諸遺跡能言者寥寥蓋天下承平久矣安不忘
危者頌不忘規曷弗思余題環海風清之意而肅然也
如是始福州終福寧而歲試周惟日孜孜焉獎勵兼施
勉真衡以培真才揆諸勝地鍾靈名賢垂教庶不隕越

先大夫核真之訓而抱慙於是官也是為說

元元本本言高義切讀之有俯仰自得之趣乃仕學
居中座右銘也擬諸柳柳州摹山範水洵異曲而同
工矣

徐兩松

含今茹古因地取裁無非教育深心前後敘次分併
極文章之能事如置身層巖疊壑間雲煙聯綿令我
動舊遊之想

陳望之

瑰異偉奇直使山川人物如指諸掌次序之間看似
零零碎碎若無胎無柱者其中遙接處陡接處明接

處暗接處得心應手揮灑自如馬之踈班之密韓之
雄歐之逸兼而有之

受業錢榮

西施說

吳越春秋及越絕書載越王以文種選西施使范蠡獻
吳吳亡歸蠡余曰施之歸蠡無其事也夫蠡越之卓卓
者也進施以亡吳也吳之亡也蠡方感於鳥盡弓藏為
明哲保身之說何愛於亡國一婦人而必擁而去且其
將去也動以妻子受戮而不顧其既去也封以妻子百
里之地而不問蠡之無取於施猶施之無取於蠡惟有
一死以從吳王於地下而已矣而何蠡之從乎且夫越
之用施不過如齊歸女樂非信陵有恩於如姬比也即

施亦不過托於先君之妹寡君之姑修好吳宮欣終身
之有賴耳石室放歸或與有力沼吳之謀施豈知之吳
與越何如主也越又多能臣策士也豈肯以卧薪嘗膽
軍國大計預示其意於往抱衾綢之女令懷貳心以事
其主而終無漏洩乎論者因夫差溺色而亡遂以施為
越功首而施於越究何厚也以施為吳罪魁而施之亡
吳吳自亡耳豈施薄於吳而果有亡吳心哉彼子胥忠
吳而太宰嚭黨越者也不聞施助嚭與諛子胥也是亡
吳誠非施願而更謂從蠡以終此吳越等書墮後人於

疑○網○誤○咏○歌○而○穢○雜○記○豈○非○艷○其○美○者○之○好○議○論○而○施○
之○大○不○幸○哉○觀○綱○目○書○范○蠡○去○越○之○文○始○終○不○及○施○叅○
之○太○史○公○作○越○世○家○述○蠡○泛○湖○後○妻○子○事○甚○詳○而○於○施○
亦○無○及○焉○皆○可○為○不○從○蠡○左○券○至○墨○子○去○春○秋○未○遠○楊○
升○菴○引○沈○美○之○言○謂○施○投○水○以○死○也○就○當○日○時○勢○而○論○
施○固○有○死○之○理○無○生○之○情○即○信○其○死○焉○可○也○猶○項○羽○本○
傳○書○烏○江○之○亡○而○遺○虞○姬○之○歿○大○抵○施○從○吳○王○以○死○而○
記○載○但○舉○其○重○而○不○詳○也○總○之○施○之○存○亡○一○女○流○本○末○
耳○若○從○蠡○與○否○乃○為○家○國○間○名○義○所○關○豈○容○不○辨○古○今○

來○謬○於○附○會○而○蒙○不○潔○之○名○如○施○者○曷○可○勝○慨○寧○獨○為○
范○大○夫○洗○冤○乎○哉○

少伯五湖軼事舊無定論作者按核情勢因餌敵之
不與計決承寵之不孤恩據墨子以折衷議論正大
不第為苧蘿生色即范大夫亦得身分洵為論古有

識

褚筠心

一舸逐鴟夷唐人一時誤筆遂令范大夫負古今異
冤前人已有辨者至亡吳雖由西子究竟吳自取亡
西子何德於越何仇於吳謂越借西子亡吳則可謂

必授西子以亡吳之計萬一婦心內變安知不轉亡
吳者為亡越固范大夫計不出此者也以西子為泛
湖情女固非即以西子為霸越忠臣亦謬前人議論
不根似此甚多安得明眼快論如吾師者一一正之
受業戚學標

慎子以毛嫱先施為天下之姣故樂府語多泛指後
人詩迺云臺下卧薪臺上舞可知同是不眠人又云
別有深思酬不得對君歌舞背君啼語雖新而意益
鑿矣明詩綜載苧蘿祠神因屠生題詩辨無生入五

湖事託諸夢寐尚不足以昭定論得此昶發朗辨卓
然立名教之防

仰二雲

鄉飲酒說

甲寅五月廿四日同人過余引藤書屋為消夏之集客
曰是集也引年而坐殆以杖朝寓鄉飲意乎曷作鄉飲
酒說夫天下國所聚也國鄉所聚也起教化於至近而
習耳目於最真於是有造士之典有養老之條更行飲
酒之禮於鄉曰習射曰蜡祭曰賓興曰飲國中賢者或
謂鄉人會聚皆行此禮則陳皓取藍田呂氏說也大抵
先王以禮樂教天下不獨朝廷之文物聲名誼義恩明
粲然有制即鄰里鄼鄙比閭族黨中廣陶淑而厚風俗

者○莫○不○詳○且○脩○孔○子○所○以○觀○於○鄉○而○嘆○王○道○之○易○易○也○
自○儀○禮○有○鄉○飲○酒○篇○而○節○文○具○禮○記○有○鄉○飲○酒○篇○而○度○
數○明○賓○主○象○天○地○也○介○饌○象○日○月○也○設○三○賓○象○三○光○也○
坐○四○面○象○四○時○也○天○地○嚴○凝○之○氣○始○於○西○南○盛○於○西○北○
故○坐○賓○於○西○北○介○西○南○以○輔○賓○率○以○義○也○溫○和○之○氣○始○
於○東○北○盛○於○東○南○故○坐○主○於○東○南○饌○東○北○以○輔○主○接○以○
仁○也○由○義○之○秩○然○者○而○禮○行○焉○主○迎○賓○於○庠○門○外○三○揖○
三○讓○教○敬○也○由○仁○之○藹○然○者○而○樂○生○焉○升○歌○三○終○鹿○鳴○
四○牡○皇○皇○者○華○也○笙○入○三○終○南○陔○白○華○華○黍○也○間○歌○三○

終魚麗間由庚南有嘉魚間崇邱南山有臺間由儀也
合樂三終闕雎合鵲巢葛覃合采芣卷耳合采蘋也教
和也拜至拜洗拜受拜送拜賜拜辱敬之至也請安請
坐旅爵和之至也降盥降洗潔以明敬也辭盥辭洗讓
以致和也飲食必祭不忘本工歌必獻不忘功燕及沃
盥不忘賤逮尊者而息司正敬與和類而推也至於序
賓以賢序僕以爵序坐而豆以六十七十八十九十通
增尤煌煌乎以貴貴貴齒貴德者示天下達尊之義使
之鼓舞於合敬同愛之情而不容已也夫酒以合歡往

往以性所伐為情所困。君子猶戒之。况俗染沈醜。端起
訟師。所關於治亂者大焉。若古鄉大夫三年一舉黨正。
一年一舉州正。一年再舉者。有紀有綱。有始有卒。何如。
此之和樂而不流。安燕而不亂乎。此行於鄉之一端也。
而政教之本立矣。余也。邇往制而怡。今情爵奉以三事。
徵其四。不啻置身桑梓。與固陵士大夫共酌酢於几筵。
間而神往於樹宅式閭之風也。

數興茂密條理。秩如以敬。和兩義導禮樂之源。歸本
於移風立教。非泛然緩拾家可到氣息亦深醇渾厚。

宏我漢京

胡雲坡

貫串三禮如數家珍議論賅洽真昌黎所謂淳粹輝
光者考據家望而却步矣曾南豐禮閣新儀目錄序
同此華茂遜此典則

魏泰松

善推禮意劉原父之補義所由遠暢儒風也節次詳
該又當與李寶之並峙

邵二雲

名義女之信說

并序

陸中丞耳山余同年友壬子春卒於奉天校書
之役嫡子四扶其柩歸里如夫人陳以病留京
而歿焉托其遺子及女於馮鴻臚星石而以第
五女為余義女屬擇配余弗忍却也爰為說以
名之

信友道也友亡而撫其女信之屬也余年六十有一矣
耳山少余二歲且先余亡余又奚所恃以撫若七歲女
雖然天之數不可測事之在人者不容欺既無以父其

父而父余余豈忍不女其女如余女名之曰之信責實也耳山厯官清要能以清廉重天下子女必有食其報者記曰忠信以為寶故以寶林字之灼其華而蕢其實信女乎余日望之矣

余於耳山中丞身後之事而惻然也香亭年前輩為之收撫遺女同於所生庶幾義以成信者重友道也是說以廉峻之筆出之事與文均不讓古人矣

褚筠心

讀蓼園師撫耳山中丞遺女之說以此始必以此終直自銘也庚戌冬吾師屬莫京兆前輩為所撫孔妹

倩女擇鄭東亭比部之子孝廉槐為壻治粧命嫁篤
於已出今已抱子矣吾師生平古誼足以見信於人
者類然因讀此說而並及之

受業錢榮

名元婿閻說

婿將應童子試以其父方宦閩請名於余余曰子謹而
慮者也原名開茲其以閻名乎子欲知開與閻之說不
見夫門乎一翕一闢終日乾乾所以進德開之說也至
於登高行遠昔人擬諸閻闔之遊非得其門者不能入
名雖異而理一貫也凡試事不一途皆立言余象閻字
之形有會於伏闕陳詞之意因而重之其道大光不啻
廣厦萬萬間乎范文正公作秀才時以天下為己任豈
徒區區安飽庇其室家而已哉故於婿入學之始作名

說勉之

懸空立論海市蜃樓細按之却是真情實理此固自

韓柳窈秘中得來

家鳴埏

如剝蕉抽繭於尺幅中寓無窮敦勉可當座右銘讀
四第立亭

代張伯魁名子振路說

歲在戊申正月之望余長子生乞名於香亭先生先生
命之曰子儒家子也先世以科目起家子之祖若父為
名諸生子之子曷以振路名之乎學者入德之門也循
其途而進之物生必蒙受之以需光遠而自他有耀則
其道利用奮子之子其以振路名可乎伯魁於是敬而
識之不敢忘蓋余自庚子夏遠離膝下乞米長安今授
室且抱子矣既不克行廟見禮又不克循孫見於祖祖
亦名之之義牛衣對泣幾為貧所病矣近且附於庶人

在官之例將博微祿以養父母揆諸振路之意竊滋愧
焉乃從遊先生之門勗之八年之久而未得者還以名
余子振路念之哉毋迷爾途迷則不返毋怠爾程怠則
莫追懋爾世業副爾嘉名此則乃父有志焉而未逮庶
幾屬望於將來者也是為說

此代作耳原可不存稿但聞春溪自里門抵甘肅後
既賦悼亡旋丁外艱命之不淑一至此我姑存之一
以寄太息之意一以見期望之情

乙卯新正燈下自記

粹然經籍之光藹然仁孝之言格度簡嚴其味彌永

張孟詞

先生愛惜人才振拔寒士出自天性所樂凡遊先生之門發名成業不可更僕數如伯魁乃有志未逮者耳伯魁落泊京華得先生飲食教誨以府經歷註銓壬子春又以若翁年邁不及待升斗之養助之捐分發而伯魁始得携妻子以歸奉其父母致足樂也讀此說不獨為伯魁感凡遊先生之門受教尤深如文曜者更怦然於飲水思源之意也

受業顧文曜